

〔七〕任祀 華陽國志九「祀」作「邵」。疑本作「祀」，即「昭」字。魏書莊帝紀余朱榮所殺常山王邵，新

出墓誌「邵」作「祀」，可證。

〔八〕印攀 華陽國志「印」作「邵」。

〔九〕咸和八年雄生瘍於頭六日死 校文：成帝紀及華陽國志皆言雄死於九年六月，此誤前一年。通

鑑書雄卒於九年六月丁卯，亦不從載記。舉正：魏書，烈帝六年李雄死，即咸和九年也。按：御

覽一二三引蜀錄，謂雄卒於玉衡二十四年。永嘉五年，雄改年玉衡，二十四年正當咸和九年。

此作八年誤。又御覽引蜀錄，稱「五月雄寢疾，六月丁卯薨」。丁卯乃六月二十五日，必非病六

日死。此處「日」字當爲「月」之譌。

〔一〇〕在位三十年 雄以永興元年稱成都王，至咸和九年應爲三十一年。此少一年，亦以雄死誤爲

咸和八年之故。

〔一一〕氏苻成隗文既降 各本「隗文」倒作「文隗」。華陽國志八、穆紀俱作「隗文」，今乙正。

〔一二〕咸康三年自縊而死 成紀、華陽國志九、通鑑九六俱繫期死於咸康四年，魏書李壽傳，壽廢期

自立在什翼犍之建國元年，亦即咸康四年，此作「三年」，亦因雄死誤前一年而誤。

〔一三〕在位三年 校文：成帝紀，期立於咸和九年十月，華陽國志同。死於咸康四年四月，當從國志作五月，

凡五年。此傳以期死屬之三年固誤，謂在位三年，亦駁文也。